

Ang Kasal Diha Sa Dalan Sa Saad

KATUYOAN : Sa pagpakita sa panaghiusa sa mga magtotoo diha kang Cristo karon ug hangtud sa walay katapusan.

Kitang tanan gusto nga motambong sa mga kasal. Kini tungod kay ang tagsa-tagsa kanato malipay nga magasud-ong sa duha ka binuhat nga mga malipayon nga naghiusa sa ilang mga kasingkasing ug kinabuhi diha sa gugma.

Nagatoo ba ikaw nga ang Dios magamando sa imong pagpili sa kapikas sa kinabuhi? Siya magamando kanila nga nagasalig sa Iyang mga saad. Ang basahon nga nagagiya kanato, *ANG BIBLIA*, nagsulti kanato: "Itugyan mo kang Jehova ang imong dalan; ug sumalig ka usab Kaniya, ug Siya magabuhat niana." Salmo 37:5.

Sa magapanaw kita karon sa *DALAN SA SAAD*, atong susihon kon giunsa sa Dios sa pagpangita ug asawa alang kang Isaac. Ug dayon motambong kita sa ilang kasal. Apan pasidan-an ko kamo nga adunay dakung kalainan sa ilang kasal kaniadto kon kini atong itandi sa kasal niining atong panahon karon. Nanglabay ang mga katuigan, si Sarai namatay ug si Abraham natigulang na kaayo. Si Abraham nakahukom nga panahon-na nga si Isaac magiminyo ug magbator ug usa pinuy-anan nga iyang kaugalingon. Niadtong panahona ang ilang puloy-anan usa ka tolda.

Gitawag ni Abraham ang iyang sulogoon ug iyang gipapanumpa nga dili siya magakuha ug pangasaw-onon ni Isaac sa kaliwatan sa mga Canaanhon [mga dautang katawhan] kondili moadto siya sa mga kadugo [kaliwatan] ni Abraham. Ang Dios nagsulti kanato niining Panahon sa Grasya nga dili gayud angay kanatong mga magtotoo and pagpakigminyo sa mga dili magtotoo. 2 Corinto 6:14-16.

Ang sulogoon milakaw. Uban kaniya ang napulo ka mga camello nga nagadaia sa mga gasa nga alang sa babaye nga maoy mahimong asawa ni Isaac. Wala madugay miabut sila sa lungsod ni Nachor didto sa Mesopotamia. Mihunong sila duol sa atabay sa pagtimba ug tubig aron ipainum sa camello. Miabut sila niadtong dapita sa takna sa paggula sa mga babaye aron sa pagkalos ug tubig. Ang sulogoon nagampo nga ang Dios magamando kaniya. Nangamuyo siya nga ipakita sa Dios ang babaye nga alang ni Isaac. Nagahangyo siya sa Dios nga ang maong babaye maoy magahatag kaniya ug tubig aron iyang imnon. Ug unya mihulat siya sa tubag sa iyang pagampo.

Wala madugay miabut si Rebeca. Ang sulogoon mihangyo ni Rebeca nga unta taga-an siya ug tubig nga mainum. Diha-diha mihatag siya ug tubig ngadto kaniya ug ngadto usab sa mga camello. Ang pagampo sa sulogoon gitubag. Busa miduko siya

sa iyang ulo ug nagpasalamat sa Dios. Gihatag niya ang mga gasa ngadto kang Rebeca. Ang mga gasa nagpamatuod sa kadatu ug kahintang ni Isaac. Gidawat ni Rebeca ang mga gasa ug misalig siya sa sulogoon. Ug unya nangutana ang sulogoon kaniya, "Mouban ba ikaw?" Ug siya mitubag, "Oo, mouban ako." Mitoo siya sa mga gisaad sa sulogoon ni Abraham. Wala siya mahadlok nga moadto sa dapit nga wala niya mahibaloi ug sa mga katawhan nga wala niya hiilhi tungod kay nagatoo siya nga ang Dios nga nagauban sa sulogoon magauban usab kaniya.

Sakay sa camello, misugod sila sa mataas nga panaw. Milatas sila sa kayutaan nga deserto taliwala sa mainit nga silaw sa adlaw. Apan wala manumbaling si Rebeca sa kalisdanan nga iyang giagian tungod kay kanunay siya nga nagapamalandong sa pagpakigtagbo sa lalake nga wala pa niya makita apan iya nang gihigugma.

Sa takna sa kahaponon si Isaac miadto sa kapatagan sa pag-ampo. Iyang giyahat ang iyang mga mata ug nakita niya nga sila nanagpaingon kaniya. Ang sulogoon mitug-an sa tanan ngadto kang Isaac ug siya nahibalo nga ang Dios naghatag kang Rebeca aron mahimo niya nga asawa. Iyang gidala siya ngadto sa telda sa iyang inahan ug siya nahimong iyang asawa. Gihigugma gayud ni Isaac si Rebeca.

Kita sama usab ug kahintang ni Rebeca. Nagapanaw kita niing kinabuhi sa pagtagbo sa usa nga atong gihigugma diha sa kahanginan. Ang *SAKYANAN SA MGA LUWAS* nagapaila sa tanang midawat kang Cristo ug nagapaabut sa iyang pagtawag gikan sa langit. Ang Balaang Espiritu nagpahibalo kanato mahitungod kaniya samtang kita nagapaabut. Kita wala makakita kaniya apan ato Siyang gihigugma ug mahigugma kitang makigsulti mahitungod kaniya ug magbasa sa iyang sulat, *ANG BIBLIA*. Dinhi Siya nagapahibalo kanato mahitungod sa atong espirituhanong mga panalangin ug sa atong kahintang uban kaniya diha sa kalangitan. Didto pagahiusahon kita uban kaniya sa walay katapusan: Efeso 1 & 2.

Samtang magapaabut, makasulti kita ngadto kaniya pinaagi sa pag-ampo ug Siya magatubag ug magamando sa atong mga dalan. Walay malisud diha sa atong Ginoong Jesu-Cristo.

Dili ba lahi kaayo kini nga paagi sa pagkasal? Kadaghanan gusto nila ang daku kaayo nga pagsaulog, apan bisan sa unsa nga paagi ang pagsaulog, kon anaa ang gugma kana matuod ug hangtud sa kahangturan. Sama usab sa magadawat kita sa Ginoong Jesu-Cristo nga Manluluwas: mahimo kini sa mahimong gayud kon magaiusara kita uban kaniya o mahimo kini diha sa dagkung mga tigom. Kon ato Siyang higugmaon tungod kay Siya nagpakamatay sa atong mga safa ug suginlan Siya nga atong dawaton nga Manluluwas, mahiusa kita uban kaniya. Dawaton ba nimo Siya karon?

SAG-ULOHON : Salmo 37:5. "Itugyan mo kang Jehova ang imong dalan; ug sumalig ka usab kaniya, ug Siya magabuhay niana."